



VODIČ KROZ SOCIJALNA PRAVA 2026

**Svako od nas
može se naći u
nevolji**



SADRŽAJ

CENTRI ZA SOCIJALNI RAD U REPUBLICI SLOVENIJI	4
VODIČ KROZ SOCIJALNA PRAVA	6
NOVČANA SOCIJALNA POMOĆ	7
VANREDNA NOVČANA SOCIJALNA POMOĆ	8
DODATAK ZA ZAŠTITU.....	9
DJEČJI DODATAK.....	10
DRŽAVNA STIPENDIJA.....	11
UMANJENA CIJENA VRTIČA.....	12
SUBVENCIONISANJE KIRIJE	13
SUBVENCIONISANJE ISHRANE ZA OSNOVNOŠKOLCE I SREDNJOŠKOLCE.....	14
PROGRAMI ZA POMOĆ U NEVOLJI	15
OSTALI OBLICI FINANSIJSKE POMOĆI.....	16
OBLICI POMOĆI	Napaka! Zaznamek ni definiran.
EVROPSKA POMOĆ NAJUOGROŽENIJIM	20
OSTALI PROGRAMI KOJE FINANSIRA EU.....	Napaka! Zaznamek ni definiran.

CENTRI ZA SOCIJALNI RAD U REPUBLICI SLOVENIJI

- 1 CENTAR ZA SOCIJALNI RAD
CELJE
Opekarniška cesta 15b,
3000 Celje
03 777 98 11
gp-csd.celje@gov.si
- 2 CENTAR ZA SOCIJALNI RAD
DOLENJSKA I BIJELA KRAJINA
Resslova ulica 7b,
8000 Novo mesto
07 393 26 40 | 07 393 26 70
gp-csd.dolbk@gov.si
- 3 CENTAR ZA SOCIJALNI RAD
GORENJSKA
Šuceva ulica 23,
4000 Kranj
04 620 48 00
gp-csd.goren@gov.si
- 4 CENTAR ZA SOCIJALNI RAD
JUŽNA PRIMORSKA
Prisoje 1, 6000 Koper
05 66 34 534
gp-csd.jprim@gov.si
- 5 CENTAR ZA SOCIJALNI RAD
KORUŠKA
Ozka ulica 1,
2380 Slovenj Gradec
08 181 03 01
gp-csd.koros@gov.si
- 6 CENTAR ZA SOCIJALNI RAD
LJUBLJANA
Dalmatinova ulica 2,
1000 Ljubljana
01 475 08 50
gp-csd.ljubl@gov.si
- 7 CENTAR ZA SOCIJALNI RAD
MARIBOR
Zagrebška cesta 72,
2000 Maribor
02 250 66 00
gp-csd.marib@gov.si
- 8 CENTAR ZA SOCIJALNI RAD
**CENTRALNA SLOVENIJA –
ISTOK**
Masljeva ulica 3, 1230 Domžale
01 724 63 70
gp-csd.osvzh@gov.si



- | | | | |
|----|--|----|--|
| 9 | <p>CENTAR ZA SOCIJALNI RAD
CENTRALNA SLOVENIJA
– ZAPAD
Ljubljanska cesta 9,
1330 Kočevje
05 969 44 19
gp-csd.oszah@gov.si</p> | 12 | <p>CENTAR ZA SOCIJALNI RAD
SAVINJSKO-ŠALEŠKA
Stari trg 35,
3320 Velenje
03 777 30 60
gp-csd.sasal@gov.si</p> |
| 10 | <p>CENTAR ZA SOCIJALNI RAD
POMURJE
Slovenska ulica 41,
9000 Murska Sobota
02 585 85 40
gp-csd.pomur@gov.si</p> | 14 | <p>CENTAR ZA SOCIJALNI RAD
SJEVERNA PRIMORSKA
Delpinova ulica 18/B,
5000 Nova Gorica
05 330 29 70
gp-csd.sprim@gov.si</p> |
| 11 | <p>CENTAR ZA SOCIJALNI RAD
POSAVLJE
Trg Matije Gubca 1,
8270 Krško
07 499 20 00
gp-csd.posav@gov.si</p> | 15 | <p>CENTAR ZA SOCIJALNI RAD
DONJE PODRAVLJE
Trstenjakova ulica 5a,
2250 Ptuj
02 787 56 00
gp-csd.sppod@gov.si</p> |
| 12 | <p>CENTAR ZA SOCIJALNI RAD
PRIMORSKO-NOTRANJSKA
Novi trg 6,
6230 Postojna
05 700 12 26
gp-csd.primn@gov.si</p> | 16 | <p>CENTAR ZA SOCIJALNI RAD
ZASAVLJE
Mestni trg 5a,
1420 Trbovlje
03 777 33 06
gp-csd.zasav@gov.si</p> |

VODIČ KROZ SOCIJALNA PRAVA

Svako od nas može se naći u nevolji

Svako od nas može se naći u socijalnoj nevolji. Zadatak je države da u takvim slučajevima pruži pomoć. Vodič koji je pred vama pomoći će vam da saznate na koja novčana primanja, subvencije i umanjene cijene imate pravo i kako možete ostvariti svoja prava.

Podnesite zahtjev centru za socijalni rad gdje imate prijavljeno prebivalište. Za dječji dodatak, umanjenu cijenu vrtića i državnu stipendiju možete to učiniti lično, poštom ili putem portala e-uprava. Zadatak socijalnih radnika u centrima za socijalni rad je da vam na razumljiv način predstave vaša prava, eventualne uslove i postupke, kao i posljedice njihovog ostvarivanja. Stručni radnici također će vam pružiti pomoć u popunjavanju zahtjeva. Osim toga mogu vas uputiti na različite programe i usluge namijenjene rješavanju problema s kojima se suočavate.

Napomena!

Svi iznosi navedeni u brošuri važe na dan 1. 3. 2026.

NOVČANA SOCIJALNA POMOĆ



Nemate para, odnosno vi ili vaša porodica imate niske prihode kojim teško osiguravate svoju egzistenciju?

Novčana socijalna pomoć je osnovni i najvažniji mehanizam socijalne države koji materijalno ugroženim domaćinstvima osigurava minimalni dohodak koji može da bude od pomoći siromašnoj porodici.

Ko može koristiti ovo pravo

Novčana socijalna pomoć dodjeljuje se domaćinstvima koja imaju niske prihode i koja se nalaze u lošim materijalnim prilikama, i to u iznosu razlike između vlastitog dohotka i minimalnog dohotka. Minimalni dohodak za lice koje živi samo trenutno iznosi 507,43 EUR, a na primjer za četveročlanu porodicu (2 djece) u kojoj je jedno odraslo lice zaposleno, a drugo nezaposleno, 1.654,22 EUR.

Napomena!

Iznos novčane socijalne pomoći zavisi od broja članova porodice i njihovog statusa, pa na nju možete imati pravo i u slučaju da su vaši prihodi veći od 507,43 EUR, a u pojedinim slučajevima i kada ste zaposleni i primete platu.



VANREDNA NOVČANA SOCIJALNA POMOĆ

Treba li vam jednokratna pomoć za troškove grijanja ili druge vanredne troškove? Treba li vam pomoć u otklanjanju posljedica prirodne ili druge nesreće?

Vanredna novčana socijalna pomoć je namijenjena podmirivanju vanrednih troškova vezanih za egzistenciju porodice, a koje porodica ne može sama da podmiri. Dodjeljuje se za podmirivanje troškova vezanih za naknadni obračun potrošnje električne energije, kupovinu veš-mašine, štednjaka, drva za ogrjev i slično.

Ko može koristiti ovo pravo

Iznos pomoći zavisi od veličine porodice. Lice koje živi samo i koje nije radno aktivno može primiti najviše 507,43 EUR u jednom mjesecu, odnosno 1.014,86 EUR u jednoj godini. Četveročlana porodica s dva nezaposlena odrasla lica i dvoje djece školskog uzrasta primit će pak najviše 1.395,43 EUR mjesečno, odnosno 2.790,86 EUR godišnje. U slučaju zemljotresa, poplave, vremenske nepogode, ostalih prirodnih nesreća i više sile dodjeljuju se viši iznosi, i to trostruko veći mjesečni iznos u jednoj godini.

Napomena!

Na vanrednu novčanu socijalnu pomoć možete imati pravo i u slučaju da vaši prihodi prelaze prihodovni cenzus koji važi za redovnu novčanu pomoć. O pravu na nju odlučuje prema slobodnoj ocjeni socijalni radnik u centru za socijalni rad.

Vanrednu pomoć treba zatražiti prije nego što nastanu dugovi jer se, u pravilu, ne dodjeljuje za podmirivanje dugova.

DODATAK ZA ZAŠTITU



Da li imate veoma nisku penziju kojom teško osiguravate svoju egzistenciju, da li ste korisnik starosne, prijevremene, invalidske ili porodične (udovičke) penzije ili da li imate više od 63 (žene) ili 65 godina života (muškarci), da li ste trajno nesposobni za rad ili trajno nezapošljivi i da li imate niske prihode kojim teško osiguravate svoju egzistenciju?

Dodatak za zaštitu je pravo koje se dodjeljuje uz novčanu socijalnu pomoć. Primaju ga lica koja su starija ili trajno nesposobna za rad i koja ne mogu osigurati vlastitu materijalnu sigurnost zbog okolnosti na koje ne mogu uticati.

Ko može koristiti ovo pravo

Na dodatak za zaštitu imaju pravo materijalno ugrožena lica koja žive sama i čiji dohodak ne prelazi 745,92 EUR, a osim toga dodatak za zaštitu također predstavlja instrument pomoći za penzionere s penzijama ispod navedenog iznosa. Kao i kod novčane socijalne pomoći, prag za sticanje prava na dodatak za zaštitu može biti veći i zavisi od broja i statusa članova porodice.



DJEČJI DODATAK

Da li imate djecu?

Dječji dodatak je osnovni transfer porodicama u okviru porodične politike. Dječji dodatak prima jedan od roditelja za dijete s prebivalištem ili boravištem u Republici Sloveniji koje stvarno živi u Republici Sloveniji, do navršenih 18 godina života djeteta.

Ko može koristiti ovo pravo

Na dječji dodatak imaju pravo sve porodice u kojim prosječni mjesečni neto dohodak po članu porodice ne prelazi 1.328,28 EUR. Dakle, s obzirom na vaše prihode možete za jedno dijete primiti od 25,70 do 147,69 EUR mjesečno, a nešto više i za svako sljedeće dijete. Porodice s višim prihodima primaju manje, a porodice s najnižim prihodima najviše.

Napomena!

Dječji dodatak za djecu koja žive u jednoroditeljskoj porodici uvećava se za 30% u skladu sa svrstavanjem porodice u prihodovni razred.

DRŽAVNA STIPENDIJA



Da li vi ili vaša djeca teško osiguravate svoju egzistenciju tokom školovanja ili studiranja?

Državna stipendija je namijenjena srednjoškolcima i studentima koji dolaze iz materijalno ugroženih porodica. Riječ je o novčanom primanju koje srednjoškolcima i studentima s niskim prihodima omogućava nastavak obrazovanja.

Ko može koristiti ovo pravo

Kao i kod dječjeg dodatka, pravo na državnu stipendiju imaju svi srednjoškolci i studenti iz domaćinstava čiji prosječni mjesečni neto dohodak po članu porodice ne prelazi 1.328,28 EUR. Dakle, s obzirom na prihode domaćinstva stipendija za dijete do navršenih 18 godina života iznosi od 34,10 do 141,15 EUR, a za srednjoškolca ili studenta koji ima više od 18 godina od 68,20 do 282, 29 EUR mjesečno. Osnovni iznos može se uvećati za dodatak za uspjeh, dodatak za boravak i dodatak za stipendiste s posebnim potrebama. Kao i kod dječjeg dodatka, mladi koji imaju više prihode primaju manje, a mladi iz porodica s najnižim prihodima primaju najviše.

Napomena!

Studentski rad koji mjesečno ne prelazi bruto iznos minimalne plate ne uzima se u obzir prilikom utvrđivanja prava na državnu stipendiju, dječji dodatak, umanjenu cijenu vrtića i subvencionisanje ishrane za osnovnoškolce i srednjoškolce.

UMANJENA CIJENA VRTIĆA



Da li izdatak za vrtić jako opterećuje budžet vaše porodice?

Ako je vaše dijete uključeno u javni vrtić, privatni vrtić s koncesijom ili privatni vrtić koji se finansira iz općinskog budžeta, najvjerovatnije imate pravo na umanjenu cijenu vrtića.

Ko može koristiti ovo pravo

Ako prosječni mjesečni prihodi vaše porodice ne prelaze 1.328,28 EUR po članu porodice, imate pravo na umanjenu cijenu vrtića. S obzirom na vaše prihode cijena može iznositi od 77% pa sve do 0% stvarne cijene.

Napomena!

Ako imate u vrtić istovremeno uključeno dvoje djece, oslobođeni ste plaćanja cijene za mlađe dijete. Također ste oslobođeni plaćanja cijene vrtića za treće i svako sljedeće dijete iz iste porodice.

SUBVENCIONISANJE KIRIJE



Da li nakon što platite kiriju i troškove stana ostajete bez sredstava za život?

Ako nemate vlastiti stan i ako imate niske prihode, možete imati pravo na subvencionisanje kirije. Imate pravo na subvenciju ako ste zakupac u javnom najamnom stanu, javnom oskrbovanom stanu, službenom stanu, tržišnom stanu za zakup, namjenskom stanu ili stambenoj jedinici. Imate pravo na subvenciju ako ste zakupac u neprofitnom stanu, namjenskom stanu za zakup, jedinici za boravak, tržišnom stanu za zakup ili domarskom stanu.

Ko može koristiti ovo pravo

Subvencionisanje tržišne zakupnine možete zatražiti samo ako niste izabrani na konkursu za zakup neprofitnog stana ili ako u općini vašeg prebivališta u zadnjih godinu dana nije objavljen konkurs. Za dobijanje subvencije posjetite nadležni centar za socijalni rad i ponesite sa sobom kopiju ugovora o zakupu.

Napomena!

Budući da je u slučaju da ispunjavate uslov vezan za prihode subvencionisanje kirije vaše pravo, niste dužni o tome obavijestiti zakupodavca.

SUBVENCIONISANJE ISHRANE ZA OSNOVNOŠKOLCE I SREDNJOŠKOLCE



Da li teško plaćate troškove ishrane za svoju djecu?

Možete ostvariti pravo na umanjenu cijenu ili oslobađanje od plaćanja školske ishrane.

Ko može koristiti ovo pravo

Imate pravo na 100-postotno subvencionisanje užine i ručka za osnovnoškolce pod sljedećim uslovima – ako vaš prosječni mjesečni neto dohodak po članu porodice ne prelazi 711,12 EUR, navedeno pravo pripada za užinu, a ako ne prelazi 563,51 EUR, to pravo pripada i za ručak. Imate pravo na 50-postotno subvencionisanje ručka za osnovnoškolce ako vaš prosječni mjesečni neto dohodak po članu porodice iznosi od 563,51 EUR do 711,12 EUR. Osim toga imate pravo na subvencionisanje užine za srednjoškolce ako vaš prosječni mjesečni neto dohodak po članu porodice ne prelazi 858,67 EUR, i to u visini od 40% do 100% s obzirom na vaš dohodak.

Napomena!

Besplatna užina također pripada osnovnoškolcima i srednjoškolcima koji su smješteni u hraniteljsku porodicu, koji su tražitelji azila ili koji su smješteni u zavode za odgoj i obrazovanje djece i mladih s posebnim potrebama, odnosno u domove za osnovnoškolce i koji pohađaju školu van zavoda.

Ako imate pravo na dječji dodatak ili državnu stipendiju, ne morate podnijeti zahtjev jer će škola prilikom izdavanja uplatnice na odgovarajući način uzeti u obzir zakonom utvrđenu subvenciju. Ako nemate pravo na dječji dodatak ili državnu stipendiju, morate za utvrđivanje prava na subvencionisanje ishrane podnijeti poseban zahtjev.

PROGRAMI ZA POMOĆ U NEVOLJI

Da li vam treba pomoć zbog nasilja u porodici ili zlostavljanja, hitan smještaj, pomoć u vezi sa starateljstvom nad djecom, problemima sa zavisnošću ili osjećajem nemoći zbog drugih teških okolnosti?

Centri za socijalni rad u saradnji s drugim organizacijama i pružaocima usluga omogućavaju pristup najrazličitijim programima pomoći; sigurnim kućama, hitnom smještaju, različitim programima savjetovanja i drugim oblicima pomoći koji vam stoje na raspolaganju kako bi vam se pomoglo u nevolji.

Ako se nalazite u bilo kakvoj teškoj situaciji, obratite se nadležnom centru za socijalni rad. Na razgovor možete doći bez prethodnog zakazivanja i u službeno radno vrijeme, a u hitnim slučajevima na raspolaganju vam tokom poslovnog radnog vremena centra za socijalni rad stoji i dežurna stručna radnica, odnosno radnik. Stručne radnice i radnici će vam pomoći da prepoznate nevolje i probleme, pri čemu će biti uzeta u obzir vaša očekivanja i prijedlozi za rješenja. Nakon uvodnog razgovora bit ćete upoznati s uslugama i primanjima za socijalnu zaštitu koja vam stoje na raspolaganju, a osim toga bit će vam objašnjeno kako ih možete ostvariti, koje su vaše obaveze i koje mreže pomoći i programi vam stoje na raspolaganju.

Napomena!

Socijalni radnici su dužni poštovati anonimnost i slobodnu volju korisnika. Zato slobodno potražite pomoć čak i u slučaju da se nalazite u teškoj situaciji zbog zloupotrebe opojnih droga ili nekih drugih otežavajućih okolnosti.

Ako ste žrtva nasilja i ako se plašite zvaničnih postupaka, socijalni radnici su dužni pružiti vam podršku i pomoć čak i ako odlučite da nećete podnijeti prijavu.

OSTALI OBLICI FINANSIJSKE POMOĆI

NAKNADA ZA TROŠKOVE SAHRANE I NAKNADA ZA SLUČAJ SMRTI

Da li se prilikom gubitka člana porodice suočavate i s gubitkom prihoda i visokim troškovima sahrane?

NAKNADA ZA TROŠKOVE SAHRANE I NAKNADA ZA SLUČAJ SMRTI su namijenjene pružanju finansijske pomoći članovima porodice pokojnika koji imaju pravo na novčanu socijalnu pomoć ili dodatak za zaštitu, odnosno koji imaju niske prihode kojim teško osiguravaju svoju egzistenciju. Nagnada za troškove sahrane je namijenjena isključivo podmirivanju troškova sahrane.

PRAVO NA PLAĆANJE DOPRINOSA ZA OBAVEZNO ZDRAVSTVENO OSIGURANJE I PRAVO NA PLAĆANJE OBAVEZNOG ZDRAVSTVENOG DOPRINOSA

Da li ste bez obaveznog zdravstvenoga osiguranja i plašite se da će vam kod ljekara izdati račun?

Od centra za socijalni rad možete u okviru zahtjeva za novčanu socijalnu pomoć ili za dodatak za zaštitu ili odvojeno zatražiti plaćanje doprinosa za zdravstveno osiguranje i plaćanje obaveznog zdravstvenog doprinosa. Ta prava pripadaju licima koja nemaju osiguranje i koja ispunjavaju uslove za korištenje prava na novčanu socijalnu pomoć, licima koja nemaju pravo na novčanu socijalnu pomoć isključivo iz razloga skrivljenog ponašanja, kao i licima koja imaju pravo na dodatak za zaštitu i njihovim partnerima ako imaju prebivalište u Republici Sloveniji. Pravo na plaćanje doprinosa za obavezno zdravstveno osiguranje pripada i licima koja su nakon navršениh 18 godina života smještena u hraniteljsku porodicu ili zavod.

PAŽNJA!

Lica kojima Republika Slovenija, na osnovu rješenja centra za socijalni rad, plaća obavezni zdravstveni doprinos, automatski imaju pravo i na plaćanje doprinosa za obavezno osiguranje za dugotrajnu njegu, i za to se ne izdaje posebno rješenje.

OSLOBAĐANJE OD PLAĆANJA USLUGA ZA SOCIJALNU ZAŠTITU I PLAĆANJA STANDARDNOG SMJEŠTAJA I ISHRANE KOD PRUŽAOCA USLUGA DUGOTRAJNE NJEGE U INSTITUCIJI

Da li imate poteškoća s plaćanjem troškova njege, odnosno smještaja i ishrane u domu za stare ili u drugim ustanovama socijalne zaštite — za sebe ili za svoje bližnje.

Ako centar za socijalni rad na osnovu vašeg zahtjeva i materijalnog stanja ocijeni da ne možete podmiriti troškove zbrinjavanja, može vas se djelimično ili u potpunosti osloboditi plaćanja tih troškova.

OBLICI POMOĆI

Novčana primanja koja vam se mogu dodijeliti:

- novčana socijalna pomoć,
- vanredna novčana socijalna pomoć,
- dodatak za zaštitu,
- dječji dodatak,
- državna stipendija,
- pravo na vanrednu novčanu socijalnu pomoć kao pomoć u podmirivanju troškova sahrane (naknada za troškove sahrane),
- pravo na jednokratnu vanrednu novčanu socijalnu pomoć nakon smrti člana porodice (naknada za slučaj smrti).

Subvencije i umanjene cijene koje vam se mogu priznati:

- umanjena cijena vrtića,
- subvencija užine za osnovnoškolce i srednjoškolce,
- subvencija ručka za osnovnoškolce, subvencija kirije,
- oslobađanje od plaćanja usluga za socijalnu zaštitu,
- oslobađanje od plaćanja standardnog smještaja i ishrane kod pružaoca usluga dugotrajne njege u instituciji,
- pravo na plaćanje obaveznog zdravstvenog doprinosa,
- pravo na plaćanje doprinosa za obavezno zdravstveno osiguranje.

Evropska pomoć najugroženijim:

- pomoć u obliku hrane,
- prateće mjere.

Programi socijalne zaštite i ostali programi

Centri za socijalni rad i nevladine organizacije širom Slovenije omogućavaju uključivanje u čak 208 programa koji obuhvaćaju:

- programe socijalne rehabilitacije zavisnika,
- programe namijenjene mentalnom zdravlju,
- programe za beskućnike,
- programe za starije,
- programe za djecu i mlade,
- programe za sprečavanje nasilja,
- programe za osobe s invaliditetom,
- programe za Rome,
- programe koji pružaju podršku porodici,
- multigeneracijske centre,
- programe za promociju volonterstva i migracije.

U okviru centara za socijalni rad pružaju se sljedeće usluge:

- prva socijalna pomoć,
- lična pomoć,
- podrška žrtvama krivičnih djela,
- pomoć porodicama za dom (pomoć porodicama kod kuće, socijalni servis),
- institucionalno zbrinjavanje,
- vođenje, zbrinjavanje i zapošljavanje pod posebnim uslovima,
- pomoć radnicima u preduzećima, zavodima i kod ostalih poslodavaca.

EVROPSKA POMOĆ NAJUOGROŽENIJIM

Da li teško plaćate troškove ishrane?

Na mjestima raspodjele Crvenog križa, Caritasa Slovenije i omladinskog centra Prlekije možete zatražiti pomoć koja se sufinansira evropskim sredstvima u obliku paketa hrane koji sadrže osnovne namirnice kao što su: brašno, mlijeko, tjestenina, riža, ulje, konzervisano povrće (grah, pelati) i marmelada.

Da li imate osjećaj da ste sami u nevolji?

Prilikom prijema paketa hrane možete se uključiti u različite prateće mjere koje na mjestima raspodjele sprovode Crveni križ, Caritas Slovenije i omladinski centar Prlekije. Vašu nevolju pokušat će da riješe razgovorima i individualnim ili porodičnim psihosocijalnim savjetovanjem. Osim toga možete učestvovati u predavanjima i obrazovnim programima u obliku različitih radionica i povezujućih aktivnosti gdje možete steći nova znanja i ojačati i proširiti socijalnu mrežu.

Ko može koristiti ovo pravo

Nezaposlena i zaposlena lica u materijalnoj nevolji, lica pogođena prirodnim nesrećama, zajednica jednog od roditelja s djetetom (ili djecom), penzioneri s niskim penzijama, pojedinci koji žive sami u domaćinstvu (naročito jednočlana domaćinstva stara 65 godina i više), beskućnici, marginalne grupe (Romi, izbjeglice, doseljenici...), kao i pojedinci koji se zbog bolesti ili nesreće nalaze u teškoj situaciji.

OSTALI PROGRAMI KOJE FINANSIRA EU

MULTIGENERACIJSKI CENTRI+

Da li želite da se družite i kvalitetno provodite svoje vrijeme, odnosno da vaša porodica kvalitetno provodi vrijeme?

Posjetite najbliži multigeneracijski centar i priključite se brojnim aktivnostima i programima za porodice, odrasle, mlade i djecu. Organizovana su besplatna predavanja, radionice i događaji gdje je osigurano kvalitetno provođenje slobodnog vremena. Riječ je o odličnoj prilici za razvoj i jačanje vještina, upoznavanje ljudi i sticanje novog iskustva.

Ne odugovlačite i posjetite najbliži multigeneracijski centar:

<https://www.gov.si teme/vecgeneracijski-centri/>.

SOCIJALNA AKTIVACIJA+

Tražite nove izazove i prilike za lični razvoj i poboljšanje mogućnosti zapošljavanja?

Učestvujte u različitim aktivnostima programa socijalne aktivacije+ u okviru kojih ćete steći dragocjeno iskustvo i znanje za lični i profesionalni razvoj. Učestvujte u praktičnim radionicama i obukama u opuštenom lokalnom okruženju izvođača gdje ćete upotpuniti svoja znanja i vještine i uspostaviti važne kontakte s poslodavcima.

Izvođači programa socijalne aktivacije blizu vas:

<https://www.gov.si teme/ukrepi-na-podroclju-socialnega-varstva/>.



Sofinancira
Evropska unija

PROJEKTNO UČENJE MLAĐIH ODRASLIH OSOBA (PUM-O+)

Imate od 15 do 29 godina, niste završili srednju šolu, nimate posao?

Onda je program PUM-O+ pravi izbor za vas! Posjetite najbližu područnu jedinicu Zavoda Republike Slovenije za zapošljavanje i priključite se programu gdje će vamiskusni stručnjaci pomoći da razvijete nove vještine i znanja, pružiti vam podršku u ponovnom uključivanju u obrazovanje i pripremiti vas za uspješan ulazak na tržište rada. Više informacija na <https://www.gov.si/zbirke/projekti-in-programi/projektno-ucenje-mlajsih-odraslih-pumo>.

RADIONICE ZA UČENJE+

Već ste duže vrijeme nezaposleni i spremni ste za individualno detaljno karijerno savjetovanje ili timsko razmatranje?

Steknite nova znanja i vještine putem praktične obuke u okruženju socijalnog preduzetništva uz podršku mentora i trenera rada Zavoda Republike Slovenije za zapošljavanje i osigurajte sebi bolje mogućnosti na tržištu rada pomoću subvencionisanog zaposlenja, uključivanjem u program Radionice za učenje+. Posjetite najbližu kancelariju za rad Zavoda Republike Slovenije za zapošljavanje gdje će vam pružiti savjete o mogućnostima i uslovima uključenja u program. Više informacija na <https://www.gov.si/zbirke/projekti-in-programi/ucnedelavnice/>.



Sofinancira
Evropska unija

PRELAZAK MLADIH +

Da li ste mladi, do 26 godina, uključeni u posebne ili prilagođene odgojno-obrazovne programe i imate veće teškoće i prepreke za zapošljavanje? Tada se možete uključiti u projekat Prelazak mladih +, koji vam nudi prilagođenu obuku, praktičan rad kod poslodavaca i podršku pri izboru zanimanja. Projekat Prelazak mladih + obuhvata i uspostavljanje mreže poslodavaca, obuku savjetodavnih radnika i jačanje funkcionalne pismenosti, a istovremeno razvija i prijedloge za dopunu standarda profesionalne rehabilitacije. Sa jasnom vizijom dugoročnih efekata, projekat predstavlja važnu razvojnu priliku za čitav sistem podrške mladima sa posebnim potrebama. Više informacija na: <https://www.prehodmladih.si>.

VIŠENAMJENSKI ROMSKI CENTRI +

Da li ste pripadnik romske zajednice? Pozivamo vas da posjetite jedan od devet višefunkcionalnih romskih centara+ (VNRC+) koji djeluju u Kočevju, Ribnici, Novom Mestu, Trebnjem, Metliki, Šentjerneju, Krškom, Murskoj Soboti i Lendavi. Ponudit ćemo vam podršku u obrazovanju, zapošljavanju, pristupu uslugama i uključivanju u širu zajednicu. VNRC+ predstavljaju bezbjedno okruženje za razvoj vještina, podršku u svakodnevnim izazovima i unapređenje kvaliteta života. Za općine i lokalne institucije oni znače jaču saradnju, bolje usklađene usluge i bolje razumijevanje potreba Roma. Više informacija na: <https://www.gov.si/novice/2025-07-31-izbrani-projektivecnamenskih-romskih-centrov/>.



Sofinancira
Evropska unija

SOCIJALNA PRAVA SU VAŠA PRAVA!

Dizajn i štampa: Tisk Žnidarič, d.o.o., četvrto izdanje, maj 2026



REPUBLIKA SLOVENIJA
MINISTRSTVO ZA DELO, DRUŽINO,
SOCIALNE ZADEVE IN ENAKE MOŽNOSTI



Sofinancira
Evropska unija



Funded through ELA Translation
Facility for Information